



Bentiaraq Ottosen
Atassut

UKA 2024/21
25. September 2024

Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaata allanngortinneqarnera pillugu Inatsisartut inatsisissaattut siunnersuut (Nunap immikkoortuini akitigut naligiissaarisoqarnissaanut aamma ajunaalernerni isumannaallisaanikkullu sullissiffiusut annertusineqarnissaannut akuersissummik pigisaqartumut peqqusinissamut tunngavissaq)

(Ineqarnermut Attaveqaasersuutinullu Naalackersuisoq)

Kalaallit Nunaat isorartuupilussuovoq, attaveqaatitigulli isumannaallisaanikkut pitsanngorsaavigiuaannavittariaqarpoq. Pinngortitarsuaq ilaatigut peqqarniisinnaasaqaaq, ulloqartarporli angallavigiuminartumik tunisisarluni. Soorluttaaq oqaatigineqarsinnaasoq, qanga siulivut qajartulillaraangamik. Pinngitsoorneqarsinnaanngilarmi taamanikkut inuiaqatigiit imminut napassutaat qajaq qanoq inuiaqatigiinni pingaaruteqartiginera, ullorli manna tikillugu kinaasusitsinniippoq kalaaliussusitsinniilluni. Taanna nammineerluta tulluusimaarutigilluakkatta ilagaat, piorsarsimassutitsinni pingaaruteqarluinnartumiimmat.

Pinngortitami angalaartilluni isumannaatsumik attaveqaatitigut kiffartuussisarnissaq pingaaruteqartorujussuovoq, ajunaalernermik kalerrisaarinerit arlaatigullu ujaarlertoqartillugu Kalaallit Nunaat sillimaniarnikkut pitsannerpaamik politikkeqarnissaa pingaarutilittut sallahsaatinnegartariaqarpoq. Taamaasiortoqarneratigut toqqissisimatitsinermik inuiaqatigiinni pilersitsisoqarnissaa qulakkeerneqartussaammat.

Kalaallit Nunaani suliffeqarfiit ataasiakkaat monopoliunerat suliffeqarfinnik aallartitsiumallutik suliaqarusuttunik mattussinertut taaneqarsinnaalluarpoq, tusass-ilu kivissinnaanngisai taakkuupput allanut ingerlateqqissinnaasariaqakkavut. Tusass nammakkersortuaannassagutsigu periarfissat pitsaanerulernaviangillat, kisiat eqqaamasariaqarparput Tusass pitsaasumik sullissili. Suliffeqarfiit piunapput nunatsinni ammaarusullutik tassannga Tusassip kivissinnaanngisai piginnaaneqarfigisinnaavai, soorluttaaq eqqarsaatigineqarsinnaasoq StarLink tamakkunanga aamma attaveqaatitigut pitsanngorsaasinnaanera eqqartorneqarsinnaalluartut ilagaat.

Imaatigut nunakkullu angallanneq inuiaqatigiit akornanni toqqissisimanermik kinguneqartussaavoq, attaveqaatitigulli pitsanngorsaajuarnissaq siunertariuarneqartariaqarluni.

Inoqarfinni annerni soorlu satellitsinik atuiffiusuni attaveqaatitigut tunniussaqsinnaaneq annikinneroqaaq, taamatullu inoqarfinni annerni imaatigut kabelilinnik attaveqaasersukkanik atuisinnaaneq pitsannerulluni. Eqqarsaatigineqarsinnaavoq Ilulissani aamma Upernavimmi, Qaanaaq, nunattalu kangiani attaveqaatitigut tunniisaqarneq annikitsuararsuusinnaalluni, allaallumi atuisuusut naammagittangaarlutik inissisimasariaqartarlutik. Imaatigut kabelinik pilersuiffiusuni pisut pitsannerugaluarpot, kisianni tunniussaqsinnaaneq imak annikitsigaaq attaveqaatit



pitsannerpaamik inuk pisigaanngani tunniussinnaasai annikitsuararsuujuaannarput. Taamaattumik isumaqarpugut tamanna nalimmassarneqarluinnartariaqalersoq, pitsannorsaajuartariaqarpugut aqqissuulluakkamik attaveqaatitigut nalunaarasuartaateqarnikkullu kiffartuusinerit pitsannorsartuarnissaanut.

Eqqaangitsoorusunngilarali attaveqaatersuuteqarnikkut pitsannorsaanssamik eqqarsaateqaraanni aamma Tasersiaq tassunaatigut pitsannorsaavissatut inissisimasinnaanera eqqartorneqartariaqartut ilagigaat, oqareernitsituut Tasersiaq attaveqaatitigut pitsaasumik pilersuisinnaanera ammaaneqarniarli. Ukiorpassuannngortuni eqqartorneqartartoq sulii piviusunngortinneqanngilaq, Datacenterimilluuniit pilersitsigutta Kalaallit Nunaat issittumi inissisimanera najoqqutaralugu aningaasarsiorfigineqalersinnaasaaq nunatsinni iluanaarutigilluinnarsinnaasatsinnik. Ukiorpassuannngortuni Datacenterimik Kalaallit Nunaat neqeroorfigineqartuarpoq, isumaqarpugulli periarfissat taamak ittut periarfissaasariaqartut, attaveqaatit pitsannngortissagutsigit. Tasersiaq USA-mi naalagaaffik Californien tamaat ikumatissinnaaguniuk, Kalaallit Nunaat pitsannerpaamik attaveqaasersuutitigut inississinnaavaa, tamanna eqqarsaatigilaarsiuk.

Periarfissat allat ammaffigalugit siunnersuut ataatsimiititaliami oqallisigineqarnissaa Atassummiit kissaatigivarput.